


www.BibleForChildren.org

Matiu 26



Juda akan tup
aparaun omre,
enip Pasowa, omre
6 orip raunuk, Jisas
ko Lasarus nukan mena
Betani tonowon. Kiro mena
meter Jisas nukas Lasarus
meiewon siräi mowon.
Keserna, Maria nukas uer
sou eposek enip nar, aiauk
näwäus kau maun senek oumara,
Jisas nukan isou opok kourmara, kon
tapau urik rumukäus tätäi muruwon. Kiro
uer sous kiro owa erekapu ok pewon.




Keseria, Jisas nukan tamareäü roat 12 orip pakan kar ro, kon enip Judas Iskariot, ko Anut kamuk raiäi roat näunäü siarakap Jisas akan ipiakap maun potowon. Ak kiro ämän roianik, nepipirmoi, aiauk nuraun paip moin. Keserna, Judas ko Jisas akan ipiakap maun apu itane rawon.



Kesernuk, Jisas nukas kon
tamareäü roat kiro ämän
awarowon siar, ak pote, Pasowa
omre opok o jaun omoi jekur moin.
Jisas kon tamareäü roat pak tane o
je je rai, ko bret oumoi, Anut 'pere'
aurmara, ipous pärärianik, kon
tamareäü roat aromara,
äiewon, "Ak oinai, jeie.
Okoro isan
enimsau."



Keseria, ko ätäi wain an kap orip
oumoi, Anut aumara, kon
tamareäü roat aromara, awarowon,
"Ak erekapu okoro kap pakan an
jeie. Okoro isan karian, Anut nukas
kiro karianas ak pak paip [awau]
mou. Isan karian kournuk, kis
roasiret sosop akan onok aru
jäkäi marai."



Jisas nukas äiewon, "Saimon, Saimon. Satan nukas ak wit nemauk seperiäi senek na ate apaisaun Anut nukas auruwon siar keserai. Is nan won sakau maun rai Anut aurimin. Nan won ätäi is opok pirirmoi, is siarap koumata, nas ätäi nan sarau jaunat akan woiaka sakau mar."




Pita nukas ätäi Jisas auruwon, "Näwäu, is na pak karapus owa potea, meiäun raim." Jisas nukas Pita ätäi auruwon, "Is epar senes aisom, Rusapai pututu, kakarau urwäu wa opok, nas isan enim ämäi momata, 'Is ko äpu wa' rai 3 orip äiäm."



Jisas kon tamareäü
roat pak kar om enip
Getsemani poteanik,
keser awarowon, "Ak
okoro opok tane rauna,
is enro opok Anut aurau
potom." Kos auruwon, "O
Moni, na owo sarau
keseraun itok. Nas is
opiapan usu oi kuräm.
Utianik, na isan ronkat wa
tainorau, na nakan ronkat
karar tainor."



Keseria, Judas nukas karauk Anut kamuk raiäi roat
näunäu akan sarau roat pak Parisi roat akan sarau
roat pak Rom akan marai roat pak imwaromara,
kiro woia potoin. Ak karauk arou pak weräiäin
osap pak oiar koin. Keseria, karas siräp
rumukäu oumara, Anut kamuk
raiäwon ro näwäu senes nukan
sarau ro wem raiar kon rauk
näu kaima patir kurewon.
Jisas nukas kiro onok
aparmara, awarowon, "Kiro
onok wa keserau." Keseria,
kos kiro ron rauk käu ate oi
monuk, ätäi kon
rawon senek sarewon.



Keseria, Jisas sakau ate oumoi, Anut kamuk raiäü ro
näwäü senes nukan owa imäi potoin. Pita ko potonar,
ämäi ämäi keres keres potowon. Karauk roat
akas ep kasik tukurin,
Pita ko karauk roasiret
kiro ep uke rain opok
potomara, erek
ep uke rain.



Kesernuk, kar Anut
kamuk raiäwon ro
näwäü senes nukan
sarau ro pewon. Kiro ro
Pita nukas rauk patirwon
ro Markus nukan kinjaukus
pemara, totorwon, "Na kiro
ropak woia erek rain apaisomin
ra?" Pita nukas ätäi äiewon,
"Wa senes wa. Is kiro ro äpu
wa." Ko keser äienuk äienuk,
kakarau urwewon. Ko kiro ämän
ronkatemara, kasik nomara,
wouti monuk, näwäü waiewon.




Keseria, roat näunäu ak erekapu
siräianik, Jisas Pailot nukan amuk
opok imäi potea, kon enip opok
ämän sätäia, äiein, "Okoro ro kos
iken roasiret akan ronkat aru mia,
awareäü ak takis aiauk
wa mau rai, äienuk,
roiäumun. Kos äiäu,
is Krais, roasiret
kamwaraun ro näwäu



rai awareäü. Keseria,
ik na siatap imäi koum."



Pailot nukas Jisas totorwon, "Na Juda roasiret akan kamwaraun ro näwäu king ra?" Jisas nukas äiewon, "Kiro naka äiem senek." Pailot nukas ätäi Jisas utonuk, manaun roasiret awarowon. Roasiret akas ätäi urweanik, sakau äiein, "Ko am äpäs opok we mota, meiäura."




Ak keserna, Pailot nukas Jisas am
äpäs opok wena, meiäun marai roat
ipiakap marowon. Ak Jisas imäi
potona, ko nukasar nukan am äpäs
ämäumara, näu mena utomoi, kar
om enip 'Op Tapau Sekerem'
omtorou opok tonowon. Ibru
ämänis kiro mena Golgota äiäi.



Keseria, kiro mena, am äpäs opok
äsäi moin. Kar ro oirori au nais Jisas
pak erek am äpäs atap atap
karaim karaim äsäi matoim.


Jisas ko kiro ro
ori kampai
äsäi moin.



San jerau wa opok, kiro omjo tup ou näwäu owa äsai
moin rawon oikas kiräi nopte oirori sarewon.

Jisas nukas urwemara, äiewon, "Moni, rusapai isan
totom nan ipon opok musom."

Ko keser äiemara, kon
osou nukasar utomoi,
meiewon.



Keseria, iukärir sarenuK, kar ro
kon enip Josep ko Arimatea
menan, ko Juda kamwareäin
roat näunäu akan sarau
jaunaka, kos Anut
okoro omnokou
kamäun ätäi
kowai rai kame
raiäwon.

Ko Pailot
iminäu wa,
siakup potomara,
Jisas nukan
kopeu oumoi, up
uru kuräun
totorwon.



Keseria, Josep nukas karauk omjo
ärneu kau mianik, Jisas nukan
kopeu am äpäs opokan
oumoi, omjos kurur
momara, aireu uru
mowon. Keseria,
aitapau näwäu
oumara, aireu
oksau pene
mowon.



Ninoinus, tapera, sumaun ses opok
Anut kamuk raiäi roat näunäu pak
sintore ämän tamareäi
roat pak ak Pailot pak
koi tururin. Akas keser
aurin, "Ro näwäu, ik
kar ämän meter
kiro ro sätäiäwon,
ros keser äiewon

roumun ronkatem,
'Tawa omre
3 orip utia,
is ätäi
siräiäm'
äiewon."




Keseria, ak pote up opok aiauk
nāwāu muris parar
momoi, okäk mianik,
karauk marai roat
akas kiro up
kume rain.



Sumoin ses manonuk, tapera Tup
Näu opok Magdala menan Maria
pak kar Maria ori au Jisas
nukan up aparaun potoirin.
Kurte mim năwău
penuk, Năwău nukan
kar sarau eitek
omar ute nemara,
aitapau năwău up

oksau pene moin
opakan eroror
momara, ko kiro
opok tane rawon.



Marai roat up kame rain, ak ko
aparmoi, karkairianik, sakau
iminemoi, ak roat meiein
senek ninoin.



Ak keserna, Anut nukan sarau
eitekus kiro asiret ori awatowon,
"Au wa iminäu. Is äpu au kiro
ro ko Jisas am äpäs opok
äsäi moin meiewon
aparaun itanerair. Ko
okoro opok rawau
wa. Meter ko
äiewon siar ätäi

siräiewon. Au ko
nini moin omoi
koi aparwer."



Kiro asiret ori au imineirin sinuk, kurte
up utia, nepipirmoi, kon tamarowon
roat awaraun potoirin. Apu opok
potosa, Jisas nukas kurte pe
tarwatianik, awatowon, "Orie."



Keser awatonuk, awas ko siakup peanik,
kon isou atomoi, kon enip jou murusa,
Jisas nukas kiro asiret ori
awatowon, "Au wa iminäu.
Au pote isan tamareäimin
roat awarona, Galili
pote apairaiei."





Kar omre opok, kon tamariäwon roat 11 orip o jena jena, Jisas nukas ak siarakap penuk, akas ko aparin. Kos kewareanik, awarowon, "Ak owon akan woiaka epar mau wa, ak woiaka sakau moin? Is ätäi siräimin, roat ak is apairon akas akan ämän roianik, ak owon woiaka epar mau wa? Kiro onok eposek wa." Jisas Näwäu ko kiro ämän aware kurenuk, Anut nukas imäienuk, omar oik tonowon. Ko Anut nukan ipou näu kaima tane rau.



Anut nukas okoro omnokou pakan
roasiret mesin wous meiemara, kon
mokoi karartapau äsimornuk,
kowon. Ko kiro onok kesernuk, inok
roasir ko mesin wou epar mai,
ko wa meiäi, kon totok
orip orip awau
rawai.



Rom 3:23 Owon, roasiret erekapu onok aru miäin. Ak onok aru miäi, okon, Anut nukas akan enmaka jou näwäu orip wa oik marai.

Rom 6:23 Keserianik, roat onok aru miäi, kiro onok arus ak ep wa koseriäu nukan apu opok mareäu. Utianik, roasiret ak iken Näwäu, Krai Jisas pak pasar rauna, Anut nukas kon wou näu oripas ak sarwareanik, ak orip orip awau rawaun apu opok mareäu.

Ibru 9:27 Ko keserwon senek roasiret nais kararpai meiäiei. Ak meiena, tawa Anut nukas ak wasarewarai.

Efesus 2:8,9 Ak akan woiaka Krai mesin epar moin, okon, Anut nukas kon wou näu oripas sarwaromara, akan onok aru pakan ätäi imwarowon. Akas kar sarau eposek kos ak ätäi imwaraun mau wa, wäpik, Anut nukasar ak erar sarwarowon. Akan sakau pakas kos ak imwarau wa, okon, ak akan enmaka jou mau senek wa.



Rom 10:9,10 Ak karauk roasiret Krai mesin awareanik, keser awaraiei, "Jisas ko iken Nāwāu." Akan ronkat opokas "Anut nukas Jisas meiewon ätāi sirāi mowon" woiaka epar maiei. Ak keser awareanik, aka keser woiaka epar mona rai, kos ak akan onok aru pakan imwarai. Epar senes, kar roasir kon wou Krai mesin epar mai, Anut nukas kiro roasir ko eposek aurai. Kiro roasir karauk roasiret Jisas ko isan Nāwāu keser awarai, Anut nukas kon onok aru pakan imāiāi.

Jon 3:16,17 Anut nukas okoro omnokou pakan roasiret mesin wous meiemara, kon mokoi karartapau äsimornuk, kowon. Ko kiro onok kesernuk, inok roasir ko mesin wou epar mai, ko wa meiāi, kon totok orip orip awau rawai.

Owon, Anut nukas kon mokoi okoro omnokou opok roasiret wasarewaraun ro senek Anut nukan amukup ak ämän orip awaraun äsimorau wa, utianik, ko roasiret akan onok aru pakan imwaraun äsimorwon.



1 Jon 5:11-13 Kiro epar ämän Anut nukas äiewon kesek:
Anut nukas iken totomok awau orip orip rawaun sakau
ikowon. Kiro totomok awau rawaun onoktapau kon mokoi
Jisas opok rau. Inok roasir ko kon mokoi pak pasar raiäu,
ko totok awau orip orip rawaun sakau oiäu. Inok roasir ko
pak wa pasar raiäu ko kiro totok orip orip rawaun sakau
wa oiäu. Ak Anut nukan mokoi mesin woiaka epar miäi
roasiret, akan totomaka awau orip orip rau äpu
maun isas okoro jer we marom.



Matiu 26-28; Luk 22-24; Jon 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Girawa Bible (bbr) © 2013, Wycliffe Bible Translators,
Inc. All rights reserved.

<https://live.bible.is/bible/BBRWBT/MAT/1>

©2026 Bible for Children, Inc.

www.M1914.org

www.bibleforchildren.org

